

"Ұжымдық қауіпсіздік туралы шарты Ұйымына мүше мемлекеттердің аумақтарын жедел жабдықтау, әскери инфрақұрылым объектілерін бірлесіп пайдалану туралы келісімді бекіту туралы" Қазақстан Республикасы Заңының жобасы туралы

Қазақстан Республикасы Үкіметінің 2005 жылғы 1 ақпандағы N 77 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Ұжымдық қауіпсіздік туралы шарты Ұйымына мүше мемлекеттердің аумақтарын жедел жабдықтау, әскери инфрақұрылым объектілерін бірлесіп пайдалану туралы келісімді бекіту туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы

Ұжымдық қауіпсіздік туралы шарты Ұйымына мүше мемлекеттердің аумақтарын жедел жабдықтау, әскери инфрақұрылым объектілерін бірлесіп пайдалану туралы келісімді бекіту туралы

2004 жылғы 18 маусымда Астана қаласында жасалған Ұжымдық қауіпсіздік туралы шарты Ұйымына мүше мемлекеттердің аумақтарын жедел жабдықтау, әскери инфрақұрылым объектілерін бірлесіп пайдалану туралы келісім бекітілсін.

Қ а з а қ с т а н Р е с п у б л и к а с ы н ы ң

Президенті

**Ұжымдық қауіпсіздік туралы шарты Ұйымына мүше мемлекеттердің аумақтарын жедел жабдықтау, әскери инфрақұрылым объектілерін бірлесіп пайдалану туралы
КЕЛІСІМ**

Бұдан әрі Тараптар деп аталатын Ұжымдық қауіпсіздік туралы шарты Ұйымына (бұдан әрі - Ұйым) мүше мемлекеттер,

1992 жылғы 15 мамырдағы Ұжымдық қауіпсіздік туралы шартының, Ұжымдық қауіпсіздік туралы шарты Ұйымы жарғысының, 2000 жылғы 11 қазандағы Ұжымдық

қауіпсіздік жүйесінің күштері мен құралдарын қалыптастыру мәртебесі туралы келісімнің ережелерін басшылыққа ала отырып, келісуші Тараптардың әскери қауіпсіздігін қамтамасыз ету мүддесінде әскери инфрақұрылымның аумағын жедел жабдықтау және объектілерін бірлесіп пайдалану мақсатында

төмендегілер туралы келісті:

1-бап

Осы Келісім әскерлердің (күштердің) коалициялық (өңірлік) топтары мүддесінде Тараптардың әскери инфрақұрылым аумағын жедел жабдықтау және объектілерін бірлесіп пайдалану тәртібін айқындайды.

2-бап

Осы Келісімде төменде көрсетілген терминдер мыналарды білдіреді:

"аумақты жедел жабдықтау" - әскери инфрақұрылымды құру, дамыту және ұстау мақсатында жүргізілетін ұйымдастыру, инженерлік, техникалық және басқа да іс-шаралар жүйесі;

"әскери инфрақұрылым" - ұлттық қарулы күштерді, әскерлердің (күштердің) коалициялық (өңірлік) топтарын өрістету, әскерлердің ұрыс іс-қимылдарын жүргізу және жауынгерлік және жедел даярлығын қамтамасыз ету үшін негіз болып табылатын, Тараптардың аумағында орналасқан өңірдегі (стратегиялық аудандағы) стационарлық объектілер мен жеке ғимараттар жүйесі;

"әскери инфрақұрылым объектілері" - әскерлерді (күштерді) басқару пункттері, байланыс тораптары мен желілері, әскерлердің (күштердің) орналасу орындары, инженерлік бекіністер мен қоршаулар жүйесі, бекітілген аудандар, позициялар, әуе шабуылына қарсы қорғаныс күштері мен құралдарының объектілері, әуеайлақтар, оқу-жаттығу орталықтары, полигондар, құбырлар, темір және тас жолдар, арсеналдар, базалар, қоймалар, медициналық мекемелер, әскери техниканы жөндеу жөніндегі кәсіпорындар, бейбіт уақытта Тараптардың әскерлері (күштері) күнделікті қызметте пайдаланатын және соғыс уақытында пайдалануға жоспарланатын басқа да объектілер;

"үшінші тарап" - Ұжымдық қауіпсіздік туралы шарты Ұйымына мүше мемлекет болып және осы Келісімнің қатысушысы болып табылмайтын тарап.

3-бап

Осы Келісімнің ережелерін іске асыру мақсатында Тараптардың уәкілетті органдары олардың қорғаныс министрліктері болып табылады.

4-бап

Тараптардың уәкілетті органдары Тараптардың заңнамасына сәйкес Әскерлердің (күштердің) коалициялық (өңірлік) топтары (бұдан әрі - Тараптар) бірлесіп пайдалануы үшін әскери инфрақұрылым объектілерінің тізбесін және оларды құрудың, дамытудың және ұстаудың перспективалық жоспарын әзірлейді және ҰҚШҰ органдарының рәсімдері ережесімен белгіленген тәртіппен Ұжымдық қауіпсіздік кеңесіне бекітуге ұсынады.

5-бап

Тараптардың уәкілетті органдары бір біріне "Мемлекеттің ерекше режимді (өте маңызды) және режимді объектілерінің тізбесіне" енгізілген объектілерді қоспағанда, бірлесіп пайдалану үшін бөлінген әскери инфрақұрылым объектілерінің қолда бар және дамыту мен құруға жоспарланған тактикалық-техникалық деректерін, Тараптардың ұлттық заңнамасына сәйкес мемлекеттік құпияны құрайтын мәліметтерін ұсынады және оларды бірлесіп пайдалану үшін өтінім береді.

Әскери инфрақұрылым объектілерін бірлесіп пайдалануға өтінімдерді беру тәртібі Ұйымның Қорғаныс министрлері кеңесінің шешімімен айқындалады.

6-бап

Тараптар бірлесіп пайдалануға арналған әскери инфрақұрылым объектілерінің тактикалық-техникалық деректерден, оларды құру мен дамыту жөніндегі Тараптардың мемлекеттік құпиясын құрайтын мәліметтерден тұратын ақпараттармен алмасуды жүзеге асырады және Тараптар арасындағы көп жақты және екі жақты келісімге сәйкес олардың сақталуын қамтамасыз етеді.

7-бап

Тараптар бірлесіп пайдалану үшін келісілген Тізбеге енгізілген әскери инфрақұрылымның қолда бар объектілерін бірлесіп пайдалануға әзірлікте ұстайды.

Ұжымдық қауіпсіздікті қамтамасыз ету мүддесінде Тараптар оларды дамыту (кеңейту, жаңғырту мен қайта жаңарту) жөніндегі, сондай-ақ әскери инфрақұрылымның жаңа объектілерін құру жөніндегі іс-шараларды жүргізеді.

Бірлесіп пайдалану үшін әскери инфрақұрылым объектілерін ұстау, дамыту мен құруды Тараптар дербес немесе көрсетілген іс-шаралармен байланысты шығындарды қаржыландыруға үлестік қатысу негізінде жүзеге асырады.

8-бап

Тараптардың үлестік қатысуы негізінде ұжымдық қауіпсіздікті қамтамасыз ету мүддесінде аумақты жедел жабдықтау іс-шараларын қаржыландыру мынадай болып жүзеге асырылады :

- қолда бар әскери инфрақұрылым объектілерінің Тізбесіне енгендерге қатысты әскерлердің (күштердің) коалициялық (өңірлік) топтары бірлесіп пайдалану үшін әскери инфрақұрылым объектілерін құрудың, дамытудың және ұстаудың перспективалық жоспарына немесе Тараптардың жекелеген екі жақты бағдарламаларына сәйкес ;

- әскери инфрақұрылымның қайта құрылатын объектілеріне қатысты әрбір нақты объекті бойынша Тараптардың уәкілетті органдары жасасқан екі жақты және көп жақты халықаралық шарттарға сәйкес .

Көрсетілген іс-шаралармен байланысты шығындарды қаржыландырудағы әрбір Тараптың үлес мөлшері жөніндегі ұсыныстарды Тараптардың уәкілетті органдары әзірлейді және келіседі және Ұжымдық қауіпсіздік кеңесінің тапсырмасы бойынша Тараптардың Үкіметіне қарауға және бекітуге енгізіледі.

9-бап

Тараптардың үлестік қатысуы принципінде құрылатын әскери инфрақұрылым объектілері Тараптардың бірлескен меншігі болып табылады. Әрбір Тараптың үлесі бірлесіп пайдалануға арналған әскери инфрақұрылымның нақты объектісінің жаңа құрылысы немесе оны дамытуға қатысу кезінде әрбір Тараптың әрқайсысының қаржылай және материалдық шығындарының ара қатынасымен айқындалады.

10-бап

Оның өтініші бойынша сыртқы әскери агрессияны болдырмау және тойтарыс беру үшін немесе террорға қарсы операцияларды жүргізу үшін басқа да Тараптардың әскери құралымдары келетін Тараптың аумағында орналасқан, сондай-ақ басқа да Тараптардың аумағында орналасқан және осы құралымдардың транзиті мен іс-қимылдарын қамтамасыз ету үшін тартылған әскери инфрақұрылым объектілерін бірлесіп пайдалану тәртібі 2002 жылғы 11 қазандағы Ұжымдық қауіпсіздік жүйесінің күштері мен құралдарын қалыптастыру мәртебесі туралы келісімнің ережелеріне сәйкес жүзеге асырылады.

11-бап

Тізбеге енгізілген әскери инфрақұрылым объектілерін бейбіт уақытта командалық-штабтық және бірлескен әскери оқу-жаттығуларын өткізу үшін бірлесіп пайдалану алдын ала өтінімдер мен оқу-жаттығуларды өткізу жоспарлары негізінде

жүзеге асырылады, бұл ретте көрсетілген іс-шараларды жүргізу кезінде осы объектілерді пайдалану жөніндегі шығындар оқу-жаттығуға қатысушы Тараптардың қабылдаушы Тарапқа шығындарды өтеуімен қабылдаушы Тарапқа жүктеледі.

Оқу-жаттығу уақытында әскери инфрақұрылым объектісіне келтірілген зиянды осы зиянды келтірген Тарап өтейді.

Зиянды өтеу тәртібін тараптардың уәкілетті органдарының өкілдерінен құрылатын келісім комиссиясы айқындайды.

12-бап

Әскери инфрақұрылымның жекелеген объектілері (объектілер тобы) бойынша Тараптардың уәкілетті органдары қажет кезінде оларды бірлесіп пайдалану тәртібін келіседі және бекітеді.

13-бап

Бірлесіп пайдалануға арналған әскери инфрақұрылым объектілерін күрделі жөндеу, кеңейту, қайта жаңарту және жаңа құрылысы жөніндегі іс-шаралар жүзеге асырылған аумақтардың Тараптары осы Келісімнен шыққан жағдайда осы Тарап халықаралық сауда практикасында қабылданған есеп айырысудың шарттары мен нысандарына сәйкес көрсетілген іс-шараларды қаржыландыруға қатысқан басқа Тараптарға оны бірлесіп пайдаланғаннан кейін Тараптармен бірлесіп айқындалған әскери инфрақұрылым объектісіндегі олардың үлесіне баламалы құнын өтейді. Бұл ретте әскери инфрақұрылым объектісі осы Келісімнен шыққан, басқа Тарапқа олардың тиісті үлесін өтеген Тараптың меншігіне өтеді.

Басқа Тараптың аумағында әскери инфрақұрылым объектілерін күрделі жөндеу, кеңейту, қайта жаңғырту және жаңа құрылысы жөніндегі іс-шараларын қаржыландыруға қатысқан Тараптар осы Келісімнен шыққан жағдайда оған халықаралық сауда практикасында қабылданған есеп айырысудың шарттары мен нысандарына сәйкес Тараптармен айқындалған әскери инфрақұрылым объектісіндегі оның үлесінің іс жүзіндегі құнына баламалы қаржы сомасы өтеледі.

Бұл ретте осы Келісімнен шыққан Тарап бірлесіп пайдаланылған әскери инфрақұрылым объектілеріне үшінші Тарапты (Тараптарды) кіргізбеуге, сондай-ақ көрсетілген объектілерді үшінші Тарапқа (Тараптарға) оларды жөндеу, кеңейту, қайта жаңғырту және жаңа құрылысының жобалық-сметалық, технологиялық, техникалық құжаттамасын әзірлеуге қатысқан, әскери мақсаттағы өнімдерді, жабдықтар мен технологияларды жеткізуді жүзеге асырған Тараптардың келісімінсіз сатпауға және бермеуге, сондай-ақ осы Келісімге қатысушы мемлекеттердің мемлекеттік құпиясын құрайтын мәліметтердің сақталуын қамтамасыз етуге міндеттенеді.

14-бап

Әскери инфрақұрылым объектілерін күрделі жөндеу, кеңейту, қайта жаңарту және жаңа құрылысын жүргізу үшін жабдықтарды, материалдарды, әскери мақсаттағы өнімдер мен көлік құралдарын Тараптардың кеден шекарасы арқылы өткізу осы шығыстардың жобалық-сметалық құжаттамасы құрамында белгіленген тәртіпте бекітілген ерекшеліктеріне сәйкес жіберуші және қабылдаушы Тараптардың уәкілетті органдарымен келісілген жоғарыда көрсетілген құралдар тізбесі негізінде тарифсіз реттеу шараларын қолданбай және баж, салық пен алымның барлық түрін өндірмей әскери мақсаттағы өнімдерді, жабдықтар мен технологияларды жеткізуді жүзеге асырады.

Әскери мақсаттағы өнімдерді өткізу сол мақсаттарда ҰҚШ-ға қатысушы мемлекеттер арасындағы 1992 жылғы 15 мамырдағы әскери-техникалық ынтымақтастықтың негізгі қағидаттары туралы келісімге және оны дамытуға қабылданған басқа да құжаттарға сәйкес егер Тараптар арасында осы жағдайда өзге де көп жақты келісімдер жасалмаса жүзеге асырылады.

15-бап

Ұйымға мүше мемлекеттер үшін әскери инфрақұрылым объектілерін бірлесіп пайдалануға өтінім беру мәселелерін үйлестіруді және осы Келісімді іске асыруды Ұйымның біріккен штабы жүзеге асырады.

16-бап

Аумақты жедел жабдықтау және әскери инфрақұрылым объектілерін бірлесіп пайдалану саласындағы өзіне алған міндеттемелердің орындалуын қамтамасыз ету мақсатында Тараптардың уәкілетті органдары Тараптардың үкіметтері бекітетін осы Келісімнің қосымшасы ретінде мынадай әдістемелерді бірлесіп әзірлейді:

әскери инфрақұрылым объектілерін құруды, дамыту мен ұстауды, оларда бірлескен жұмыстарды жүргізуді қаржыландыруға Тараптардың үлестік салымының көлемін айқындау жөніндегі;

оларды бірлесіп жөндеу, жаңғырту, қайта жаңарту мен кеңейту бойынша жұмыстарды жүргізу алдында әскери инфрақұрылым объектілерінің нақты құнын айқындау жөніндегі;

олар бірлесіп пайдаланғаннан кейін әскери инфрақұрылым объектілерінің нақты құнын айқындау жөніндегі келісімнен шыққан Тараптың, әскери инфрақұрылымның объектілерін құру, дамыту мен ұстауға қатысуына байланысты шығындарын басқа Тараптардың өтеу көлемін айқындау жөніндегі.

17-бап

Осы Келісімнің ережелері басқа да халықаралық шарттарға сәйкес Тараптар қабылдаған міндеттемелерді қозғамайды және халықаралық ынтымақтастықтың кез келген басқа да екі жақты және көп жақты нысандарына Тараптардың қатысу құқығын шектемейді.

18-бап

Осы Келісім депозитарияның оның күшіне енуі үшін қажетті мемлекетішілік рәсімдерді оған қол қоюшы Тараптардың орындағаны туралы төртінші жазбаша хабарламаны алған күнінен бастап күшіне енеді.

Қажетті мемлекетішілік рәсімдерді кешірек орындаған Тараптар үшін осы Келісім депозитарияға тиісті жазбаша хабарлама тапсырған күнінен бастап күшіне енеді.

19-бап

Осы Келісім 1992 жылғы 15 мамырдағы Ұжымдық қауіпсіздік туралы шарттың қолданылу мерзімі ішінде әрекет етеді.

20-бап

Осы Келісімге Тараптардың өзара келісімі бойынша осы Келісімнің ажырамас бөлігі болып табылатын жекелеген хаттамалармен ресімделетін өзгерістер мен толықтырулар енгізілуі мүмкін және осы Келісімнің күшіне енуі үшін көзделген тәртіппен күшіне енеді.

21-бап

Осы Келісімді талқылаумен және қолданумен байланысты даулы мәселелер Тараптар арасындағы консультациялар мен келіссөздер жолымен шешілетін болады.

22-бап

Әрбір Тарап депозитарияға осы Келісімді қолданған уақытта туындаған қаржылық және өзге де міндеттемелерді реттеп, шыққанға дейінгі 6 айдан кешіктірмей бұл туралы жазбаша түрде хабарлама жіберіп осы Келісімнен шыға алады.

2004 жылғы 18 маусымда Астана қаласында орыс тілінде бір түпнұсқа данада жасалды. Осы Келісімнің түпнұсқа данасы осы Келісімге қол қойған әрбір мемлекетке оның расталған көшірмесін жіберетін Ұжымдық қауіпсіздік туралы шарты Ұйымының Хатшылығында сақталады.

Армения Республикасы үшін *Қырғыз Республикасы үшін*
Беларусь Республикасы үшін *Ресей Федерациясы үшін*
Қазақстан Республикасы үшін *Тәжікстан Республикасы үшін*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ